

Na osnovu člana 86. stav 2. Zakona o zaštiti zdravlja bilja ("Službeni glasnik BiH", broj 23/03) i člana 61. stav 2. Zakona o upravi ("Službeni glasnik BiH", br. 32/02 i 102/09), Uprava Bosne i Hercegovine za zaštitu zdravlja bilja u saradnji sa nadležnim organima entiteta i Brčko distrikta Bosne i Hercegovine, donosi

INSTRUKCIJU

O OZNAČAVANJU I DEKLARISANJU MERKANTILNOG KROMPIRA

Član 1.

(Predmet)

Ovom Instrukcijom propisuju se jedinstveni načini označavanja merkantilnog krompira prije stavljanja u promet i deklarisanja merkantilnog krompira koji se stavlja u promet u BiH sa ciljem obezbjeđivanja sljedivosti u svrhu zaštite zdravlja bilja i obaveze proizvođača, otkupljivača/distributera merkantilnog krompira.

Član 2.

(Definicije)

Izrazi upotrijebljeni u Zakonu o zaštiti zdravlja bilja ("Službeni glasnik BiH", broj 23/03) i Pravilniku o fitosanitarnom registru i o biljnim pasošima ("Službeni glasnik BiH", broj 5/13) (u daljem tekstu: Pravilnik o fitoregistra) primjenjuju se i u ovoj Instrukciji, a izrazi upotrijebljeni u ovoj Instrukciji imaju sljedeće značenje:

- a) **deklarisanje merkantilnog krompira** je stavljanje na ambalažu, etiketu, naljepnicu, privjesak, alkicu ili omot pisanih oznaka, robno - trgovačkih znakova (žigova), naziva proizvoda, grafičkih oznaka ih simbola koji se odnose na merkantilni krompir u prometu;
- b) **označavanje merkantilnog krompira** je stavljanje oznake sa odgovarajućim registarskim ih evidencijskim brojem, količinom i drugim potrebnim podacima uz ili na ambalažu, transportno sredstvo i/ih u objektima u kojima se čuva, skladišti, pakuje merkantilni krompir prije stavljanja u promet;
- c) **rito evidencijski broj** (u daljem tekstu: FEB) je broj iz fitoevidencije dodijeljen od strane entitetskog ministarstva/odjeljenja Brčko distrikta BiH nadležnog za poslove poljoprivrede (u daljem tekstu: nadležno Ministarstvo/Odjeljenje). FEB predstavlja kombinaciju slova i brojeva a čini ga slova oznaka "FEB", bročana oznaka entiteta/Brčko distrikta BiH iz Pravilnika o fitoregistru i redni broj.

Član3.

(Obaveze proizvođača merkantilnog krompira)

- (1) Mali proizvođači merkantilnog krompira koji, u skladu sa odredbama Pravilnika o fitoregistra ne podliježu obavezi upisa u Fitoregistar, a koji merkantilni krompir proizvode na nepokrivenoj površini većoj od 1000 i manjoj od 5000 m² i proizvedeni merkantilni krompir predaju otkupljivaču/ distributera u skladište ih pakirnicu sa namjerom dalje distribucije, moraju biti upisani u Registar poljoprivrednih gazdinstava (u daljem tekstu: RPG) i imati FEB dodijeljen od strane nadležnog Ministarstva/Odjeljenja.
- (2) Mah proizvođači merkantilnog krompira koji ne podliježu obavezi upisa u Fitoregistar, a merkantilni krompir proizvode na površini iz stava 1. ovog člana i koji sami pakuju krompir iz vlastite proizvodnje, sa namjerom dalje distribucije, moraju biti upisani u RPG i u evidenciju kod nadležnog Ministarstva/Odjeljenja.
- (3) Fitoevidenciju uspostavlja i vodi nadležno Ministarstvo/Odjeljenje i dodjeljuje FEB. FEB se dodjeljuje kada se u upravnom postupku upisa u Fitoregistar utvrdi da podnosilac zahtjeva ne podliježe obavezi upisa ili na osnovu dostavljene prijave za evidentiranje. Prijava se podnosi na obrascu iz Priloga I ove Instrukcije, a nadležno Ministarstvo/Odjeljenje evidentira proizvođača u fitoevidenciji, dodjeljuje mu FEB i o tome ga pismeno obavještava.
- (4) Pošiljke neupakovanog merkantilnog krompira prije otpremanja sa mjesta proizvodnje u skladište, pakirnicu ili distributivni centar označavaju se odgovarajućom oznakom proizvođača i nazivom sorte. Oznaka se pričvršćuje na ambalaži u koju se krompir smješta za transport (vreće, kutije, sanduci i si.), a oznaka pošiljke koja se transportuje u rasutom stanju se stavlja na vozilo u skladu sa članom 6. stav 1. ove Instrukcije.
- (5) Registrovani proizvođači merkantilnog krompira obavezni su uspostaviti i voditi evidenciju iz člana 13. tačka e) Pravilnika o fitoregistru i svake godine po završetku proizvodnje dostaviti fitosanitarnoj inspekciji izvještaj o obimu i mjestu proizvodnje. Uz evidenciju se čuva sva potrebna prateća dokumentacija koja se odnosi na sjeme korišteno za zasnivanje proizvodnje i na proizvedeni i prodati krompir (deklaracije, računi, otpremnice, zapisnici, uvjerenja, laboratorijski izvještaji, rješenja i si.) najmanje dvije godine.
- (6) Merkantilni krompir nakon vađenja mora biti očišćen od čestica zemlje na parceli na kojoj je proizveden.

Član 4.

(Obaveze otkupljiivača/distributera merkantilnog krompira)

- (1) Registrovani otkupljiivač/distributer obavezan je uspostaviti i voditi evidenciju proizvođača od kojih otkupljuje merkantilni krompir, skladišti, pakuje i distribuira te uz evidenciju čuvati svu potrebnu prateću dokumentaciju (račun, otpremnica i si.) najmanje dvije godine. Evidencija, pored podataka o proizvođaču i drugih potrebnih podataka, obavezno sadrži:
 - a) podatak o FITO broju i podbroju (ukoliko ga ima) za proizvođače upisane u Fitoregistar, ili
 - b) FEB za male proizvođače koji su obavezni da se evidentiraju ili
 - c) broj proizvođača iz RPG-a,
 - d) podatak o porijeklu merkantilnog krompira.
- (2) Pored obaveznih podataka iz stava (1) ovog člana, otkupljiivač/distributer proizvođačima može dodijeliti i vlastitu evidencijsku oznaku.
- (3) Registrovani otkupljiivač/distributer obavezan je evidenciju u elektronskoj formi dostaviti nadležnom Ministarstvu/Odjeljenju, instituciji ovlaštenoj za zdravstveni pregled i inspekciji najmanje jednom godišnje, a najkasnije do 31. decembra. Evidencija sa svim podacima kojima se osigurava sljedivost se čuva najmanje dvije godine.
- (4) Registrovani otkupljiivač/distributer koji skladišti, pakuje ih prepakuje merkantilni krompir od različitih proizvođača obavezan je osigurati takav način skladištenja koji će spriječiti da se pristigle pošiljke miješaju prije samog pakovanja.
- (5) Pošiljke merkantilnog krompira se iz skladišta, pakirnice ili distributivnog centra dalje otpremaju zajedno sa deklaracijom koja sadrži FITO broj skladišta, pakirnice ili distributivnog centra i sve ostale podatke iz člana 5. ove Instrukcije.

Član 5.

(Deklarisanje upakovanog merkantilnog krompira u prodaji)

- (1) Deklaracija na ambalaži u kojoj se merkantilni krompir stavlja na tržište u BiH mora da sadrži najmanje:
 - a) naziv "KROMPIR",
 - b) neto količinu (kg),
 - c) naziv i adresu proizvođača ili onoga ko pakuje i/ili stavlja na tržište.
- (2) U zavisnosti od porijekla merkantilnog krompira, pored podataka iz stava 1. ovog člana deklaracija mora da sadrži još i sljedeće podatke:
 - a) registarski broj (FITO broj) proizvođača/uvoznika/distributera,
 - b) porijeklo (država u kojoj je proizveden),
 - c) sortu krompira i oznaku namjene - "ZA ISHRANU",
 - d) oznaku serije (lota).
- (3) Mali proizvođači merkantilnog krompira koji sami pakuju i stavljaju na tržište krompir iz vlastite proizvodnje obavezno svako pakovanje (vreću i si.) deklariraju RPG brojem odnosno FEB i navode sortu krompira i oznaku namjene - "ZA ISHRANU".
- (4) Deklaracija se mora nalaziti na ambalaži upakovanog merkantilnog krompira, biti pričvršćena na ambalažu tako da se ne može lako odvojiti i skinuti, niti se ti podaci smiju uklanjati ili mijenjati na bilo koji način.

Član 6.

(Označavanje neupakovanog merkantilnog krompira u transportu, u skladištima i distributivnim centrima)

- (1) Pošiljka merkantilnog krompira može se prevoziti u rasutom stanju (bez ikakve ambalaže) samo ukoliko cijela pošiljka potiče od istog proizvođača, jedne sorte i istog lota. Ukoliko se pošiljka merkantilnog krompira prevozi u rasutom stanju, na vozilo kojim se transportuje mora se staviti odgovarajuća oznaka registrovanog ili evidentiranog proizvođača u skladu sa ovom Instrukcijom (FITO broj ili FEB ili RPG broj).
- (2) Označavanje neupakovanog merkantilnog krompira u skladištima i distributivnim centrima vrši se tako da sadrži najmanje:
 - a) ime i prezime/naziv i adresu proizvođača/uvoznika,
 - b) registarski broj (FITO broj i podbroj, ako ga ima) proizvođača/uvoznika, a za male proizvođače, koji nisu obavezni upisati se u Fitoregistar, obavezan je FEB ili RPG broj),
 - c) porijeklo (država u kojoj je proizvedeno),
 - d) naziv i oznaku namjene - "KROMPIR ZA ISHRANU",
 - e) sortu krompira, lot i neto količinu.
- (3) Oznaka mora biti postavljena tako da je vidljiva ukoliko je merkantilni krompir u rasutom stanju, odnosno pričvršćena na sanduke ili drugu odgovarajuću ambalažu u kojoj se čuva merkantilni krompir prije pakovanja tako da se ne može lako odvojiti i skinuti, niti se smije uklanjati ili mijenjati na bilo koji način.

”Službeni glasnik BiH”, broj: 83/14

- (4) U skladištima, pakirnicama i/ili distributivnim centrima se mora osigurati takav način smještaja i označavanja koji će spriječiti mješanje uskladištenog neupakovanog merkantilnog krompira od različitih proizvođača. Za organizaciju smještaja i označavanje odgovoran je vlasnik objekta.

Član 7.

(Prijelazne odredbe)

- (1) Proizvođači merkantilnog krompira koji u skladu sa odredbama Pravilnika o fitoregistru podliježu obavezi upisa u Fitoregistar dužni su to učiniti do 01.11.2014. godine, a mali proizvođači merkantilnog krompira iz člana 3. ove Instrukcije moraju se upisati u evidenciju malih proizvođača do 31.12.2014. godine.
- (2) Do datuma navedenih u stavu (1) ovog člana, umjesto FITO broja i FEB mogu koristiti broj iz RPG.

Član 8.

(Stupanje na snagu)

Ova Instrukcija stupa na snagu osmog dana od dana objavljivanja u "Službenom glasniku BiH".

Broj UZZB-01-1-02-2-577-8/14

9. oktobra 2014. godine Sarajevo

Direktor **Radenko Radović**, s. r